

SCRIPT OF EVENING GOJRI NEWS BULLETIN 11OCT 1700 HRS

ایونینگ گو جری نیوز بلیٹن مورخہ 11 اکتوبر 2025

یوہ آکا شوانی جموں ہے نصرت چوہدری تے طارق ابرار تیں خبر سُنو۔

HEADLINES

- ۱۔ وزیراعظم نریندر مودی نے 42 ہزار کروڑ روپیاں گزرری منصوبان گوا آغاز کیوتے پردھان منتری دھن دھنیا کرشی یوجنا گو براہ راست جموں مانہ انعقاد ہوؤ۔
- ۲۔ لیفٹیننٹ گورنر نے سرینگرمانہ کشمیری ادب تقریب گادوجا ایڈیشن گوا افتتاح کیوتے لکھاڑیاں تیں تاریخ گا غلط بیاناں نانہ درست کرن گی اپیل کی۔
- ۳۔ لیفٹیننٹ گورنر منوج سنہا نے کوکرنانگ مانہ دہشت گردی مخالف کاروائی گے دوران جان گی قربان دین آلا 2 فوجیاں نانہ خراج عقیدت پیش کیو۔
- ۴۔ گلمرگ مانہ پلکیں پہلو بین الاقوامی ڈاؤن ہل بانیکنگ گومقابلو منعقدوے گوجہڑو تاریخ گوحصوبنے گو۔
- ۵۔ جموں سرینگر قومی شاہراہ وردو طرفہ بھاری گڈیاں گی نقل و حمل بحال ہوئی تے ٹریفک دوبارہ صحیح طریقہ سنگ چل رہی ہے۔

PM PROJECTS (BYTE)

وزیراعظم نریندر مودی نے اج نویں دہلی مانہ ایک خاص کرشی پروگرام مانہ 42 ہزار کروڑ روپیہ تیں زیادہ گزرری منصوبان گوا افتتاح تے سنگ بنیاد رکھیو۔ یوہ پروگرام بھارتی زرعی تحقیقاتی ادارہ مانہ منعقد ہوؤ۔ اس موقع ور وزیراعظم نے زرعی شعبہ مانہ دوپڑا منصوبہ شروع کیا۔ جس گی لاگت 35 ہزار کروڑ روپیہ تیں زیادہ ہے۔ اس موقع ور گل کرتاں واں Byte وزیراعظم نے اس طرح کہیو۔

PM PROJECTS JMU (BYTE)

اسی دوران جموں گامختلف مقامات ور پردھان منتر دھانیا کرشی یوجنا گوا آغازگی براہ راست نشریات کی گئیں۔ سانہ تے راجوری گا کرشی وگیان کیندرا ما کساناں تے مقامی رہنماواں نے جوش و خروش گے نال حصولیو۔ راجوری مانہ کساناں نے وزیراعظم گی تقریر غورنال سنی تے امیدگواظہار کرتاں واں شکریا ادا کیو۔ سانہ مانہ ممبر اسمبلی سرجیت سنگھ سلاتھیہ تے ڈی ڈی سی وائس چیئرمین بلوان سنگھ نے حکومت گانظریہ گی تعریف کی۔ ڈاکٹر سنجے کھجوریہ جیہڑا کے وی کے سانہ گاسربراہ ہیں نے کہیو کہ یاہ سکیم کساناں نانہ پیسہ گی مدد، تربیت نواں اوزار تے اچھا بازاراں توڑی پچائے گی۔ آکاش وانی گاخباراں آلا شعبہ سنگ Byte گل کرتاں واں انہاں نے اس طرح کہیو۔

LG KASHMIR LITERATURE

لیفٹیننٹ گورنر منوج سنہا نے اج کہیو کہ لکھن لکھاڑیاں نے تحقیقی کرنی چاہیے تے مضبوط ثبوتاں گی بنیادور ان غلط تاریخی بیاناں گومقابلہ تے ان نانہ درست کرنو چاہیے۔ انہاں نے کہیو کہ نوآبادیاتی دور مانہ کجھ لکھاڑیاں نے اپنا نظریاتی مقصد واسطے مہاری تاریخ نانہ توڑ مروڑ گے پیش کیو۔ انہاں نے کہیو کہ لکھن آلاں نانہ درست تے حقیقی معلومات ور مبنی تحریر دینی چاہیے تانجے ان چوٹا بیاناں گومقابلو کیو جاسکے۔ ایل جی

موصوف نے ياه گل سري كولہ فاؤنڈيشن گا زير اہتمام کشمير لٹريچر گي تقريبن مانہہ کہی۔ انہاں نے اس گل ور زور دتو کہ تيزی تين بدلتی وی دنيا مانہہ قارئین نانہہ نواں نظريات تے سمجھ دینو ضروری ہے تانجے وہ قدرت، ثقافت تے عوامی فلاح وی بہبود نانہہ بہتر طور ور سمجھ Byte سکیں۔ ایل جی موصوف نے مزید اس طرح کہیو۔

HOMEAGE

لیفٹیننٹ گورنر منوج سنہا نے فوج گاہدار سپاہیاں، لانس حوالدار پالش گوش تے لانس نانیک سنجے گھوش نانہہ خراج عقیدت پیش کیو۔ یہ دوئے سپاہی کشتواڑ رینج گاکو کرناک علاقہ مانہہ دہشت گردان گے خلاف کاروائی گے دوران شہید ہوا۔ ایل جی موصوف نے خراج عقیدت پیش کرتاں واں کہیو کہ قوم ہمیشہ ان گي بہادری تے قربانی گي قدر کرے گی۔ انہاں نے شہیدان گاکاندانان گے نال ہمدردی گواظ ہار کیو تے کہیو کہ ان گي جرات تے خدمت ہمیشہ یاد رکھی جے گی۔

INT.GIRL CHILD DAY

اج بھارت دنیا گے نال بین الاقوامی یوم بچی منارہیو ہے۔ اس سال گوموضوع ہے ”ہوں ہاں اک گڑی، اوں کروں ہاں تبدیلی: مشکل حالات مانہہ کڑیاں گي قیادت“۔ یوہ موضوع ان کڑیاں گي قیادت تے حوصلہ نانہہ سہراوے جہڑی عالمی للکاراں گو مقابلو کر رہی ہیں۔ ملک بھر مانہہ کڑی اپنی برادری مانہہ تبدیلی لیاں گو کردار ادا کر رہے۔ حکومت بھارتی تعلیم حفاظت تے مہارت گي ترقی جیسا اقدامات گے ذریعے، کڑیاں نانہہ باختیار بنان گاپنا عزم نانہہ مضبوط کر رہی ہے۔ تانجے ہر کڑی نانہہ روشن تے برابر گو موقع مل سکے۔

GULMARG BIKING (BYTE)

محکمہ سیل صفا گي طرفوں لیجنڈ ماؤنٹین بائیک سنگ مل گے پلک گلمرگ مااک سنسنی خیز ماؤنٹین بائیک تقرب گواہتمام کیو جارہیو ہے۔ ياه تقرب ایڈوینچر تے صحت مندی گوجشن منان تے بائیک چلان گاشوقین افراد گے نال نال دنیا بھر گا سیلانیاں ناں دوپہہ ور گلمرگ گي خوبصورتی گو تجربو کرن گو سادو دین گامقصد سنگ منعقد ہو رہی ہے۔ بائیک تقرب تین بعد گلمرگ کنونشن مرکز ماشام 4 بجے اک ہور پروگرام منعقدوے گو جس مامقامی ثقافت تے روایات گي جھلکیں پیش کی جائیں گی۔ اس تقرب گو مقصد خطہ ماصحت مند تے فعال طرز زندگی گي حوصلہ افزائی کرنو تے سیل صفاناں باہو دینو ہے۔ پروگرام ماسرکت کرن آلا اک Byte شخص نے اپنا تجربات سانجا کرتاں اس طرح کہیو۔

PASSING OUT PARADE (BYTE)

سرحدی حفاظتی فورس نے اج اپنا ذیلی تربیتی مرکز بی ایس ایف اودھم پور ماتصدیقی تے پاسنگ آؤٹ پریڈ گواہتمام کیو۔ اس تقرب ما 44 ہفتاں گي تربیت مکمل کرن آلا 621 رن گروٹاں نے حصو لیاو تے قوم گي خدمت گو حلف چائیو۔ ستیش ایس کھانڈرے ایڈیشنل ڈائریکٹر جنرل بی ایس ایف چندی گڑھ نے مہمان خصوصی گي حیثیت نال پریڈ گي صدارت کی تے سلامی لی۔ تقرب ما بہیو تے ریزم رقص سمیت ثقافتی جھلیں تے طالب علماں گواک پروگرام پیش کیو گیو۔ رن گروٹاں گا پریوار آلاں تے عہدیداراں نے تربیت مکمل کرن آلا نوجواناں گانظم وضبط گي تعریف کی تے کہیو جے یوہ بی ایس ایف تے قوم واسطے فخر گو لمحہ ہے۔ اس موقعہ ور

گل کرتاں ایڈیشنل ڈائریکٹر جنرل بی ایس ایف چند ی گڑھ ستیش ایس کھانڈرے نے اس طرح
Byte کہیو۔

POSHAN MAAH

وزارت خواتین تے ترقی اطفال کی طرفوں ضلع رام بن مانہ ”پوشن ماہ“ گوجشن
منا یوجا رہیو ہے جس مانہ آیوش محکمووی حصولے رہیو ہے تے آیوش ور مبنی صحت
مندخوراک تے طرز زندگی نانہ فروغ دے رہیو ہے۔ یوہ پروگرام وزارت گاپوشن ابھیان گے
نال مل گے سپوہت بھارت گا مقصد نانہ حاصل کرن واسطے کم کر رہیو ہے۔ آکاش وانی گا خبراں
آلا شعبہ سنگ گل کرتاں واں سینئر میڈیکل افسر نے ضلع یوگا کوآرڈی نیٹر، ڈاکٹر مسعود اقبال
Byte زرگرنے اس طرح کہیو۔

HIGHWAY

کئی ہفتاں تیں مسلسل مرمت تیں بعداج قومی شاہراہ نانہ آخر کار ہر قسم کی گڈیاں واسطے
دوئے طرفوں آمدورفت واسطے کھول دتو گیو ہے۔ تھرڈ، اوڈھم پورگے قریب متاثرہ حصہ ور
مکمل طور وردوبارہ تیں نویں تارکول تیں پکو کیو گیو ہے۔ تانجے پھلاں نال لداوا ٹرکاں تے
ضروری سامان کی نقل و حمل آسانی نال ہوسکے۔ بھارتی قومی شاہراہ کی اتھارٹی نے مقامی
انتظامیہ تیں درخواست کی ہے کہ جموں سرینگر قومی شاہراہ ور گڈیاں کی دوطرفہ آمدورفت
بحال کرن واسطے ضروری ہدایات جاری کریں۔ تانجے ٹریفک روانی نال چل سکے تے رش
نہ لگے۔

NHM JMU

جموں ضلع واسطے مالی سال 2026-27 گا ضلع صحت کی عمل درآمد منصوبہ گواج جائزو
لیو گیو۔ اس میٹنگ مانہ ضلع مانہ اہم صحت گا اقدامات کی ترجیحات مقرر کرن تے ان
ور موثر عمل درآمد یقینی بنان ور توجہ دتی گئی۔ تے صحت کی خدمت نانہ بہترینان ماواں تے
بچاں کی صحت مانہ بہتری لیان تے دیہی علاقان مانہ رسائی بدھان کی حکمت عملیاں ور گل
بات ہوئی، تانجے ضلع کی منصوبہ بندی، قومی صحت گا اہداف گے مطابق وے تے ہر کسی
واسطے بہتر صحت کی سہولیات فراہم کی جاسکیں۔
